

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ ՀԱՄԱԿԱՐԳԻ  
ՁԵՐԲԱԿԱԼՎԱԾ ԱՆՁԱՆՑ ՊԱՀԵԼՈՒ ՎԱՅՐԵՐՈՒՄ ՎԵՐԱՀՄԿՈՂՈՒԹՅՈՒՆ  
ԻՐԱԿԱՆԱՑՆՈՂ ՀԱՍԱՐԱԿԱԿԱՆ ԴԻՏՈՐԴԱԿԱՆ ԽՈՒՄԲ

№ 2621/1429

10.07.2014թվ.

ՀՀ Ոստիկանության պետ,  
գեներալ-լեյտենանտ

Հարգելի պարոն Գասպարյան,

պարոն՝ Վ. Գասպարյանին  
«< ՈՍՏԻԿԱՆՈՒԹՅԱՆ ՊԱՀԵԼՈՒ ՎԱՅՐԵՐՈՒՄ ՎԵՐԱՀՄԿՈՂՈՒԹՅՈՒՆ  
ԻՐԱԿԱՆԱՑՆՈՂ ՀԱՍԱՐԱԿԱԿԱՆ ԴԻՏՈՐԴԱԿԱՆ ԽՈՒՄԲ  
ՄՅԲՑ ԱՆՁԱՆՑ 5601  
«14» 07 2014թ.

Հարկ ենք համարում տեղեկացնել, որ նախորդ տարիների աշխատանքների ընթացքում Դիտորդական խումբը արձանագրել էր, որ ՀՀ ոստիկանության Տավուշի ՄՎ Դիլիջանի ՁՊՎ-ում բուժսենյակը համատեղված էր հերթապահ ոստիկանի սենյակի հետ: Համատեղված ասելը դա հարաբերական է, որովհետև միայն ներկայացվում է, որ դա ծառայում է որպես բուժսենյակ, բայց անհրաժեշտ ոչ մի բժշկական պարագաներով կահավորված չէ և տվյալ սենյակում հնարավորություն չկա ապահովել բուժօգնություն կամ բուժօգնություն՝ չհաշված վատ սանիտարահիգիենիկ վիճակը, որովհետև տվյալ սենյակը ոչ միայն ծառայում է հերթապահ ոստիկանի հանգստի սենյակ, այլ նաև ոստիկանի աշխատանքային սենյակ, որտեղ կատարվում են բոլոր անհարժեշտ փաստաթղթային գրառումները, արտաքին զննությունը և այլն:

2012թ-ի ընթացքում Դիտորդական խումբը հաշվի առնելով բուժսենյակի սանիտարահիգիենիկ վիճակը և շենքային պայմանները, առաջարկություն էր արել, որպեսզի Դիլիջանի ՁՊՎ-ի բուժսենյակը համատեղվի տեսակցության սենյակի հետ, որտեղ կա որոշակի տարածք՝ տվյալ գործառույթը իրականացնելու համար: Նշենք, որ 2012թ-ի ընթացքում նշված գործառույթը իրականացվել էր, վերանորոգվել և կահավորվել էր համապատասխան անհրաժեշտ գույքով:

Սակայն՝ Դիտորդական խումբը սույն թվականի հուլիս ամսին այցելելով Տավուշի ՄՎ Դիլիջանի ՁՊՎ, արձանագրել էր, որ բուժսենյակը կրկին համատեղված է հերթապահ ոստիկանի ծառայություն իրականացնելու և հանգստի սենյակի հետ, այն էլ այն դեպքում, երբ

հերթապահ ոստիկանի հանգստի սենյակը գտնվում է ՁՊՎ-ի ռեժիմային գոտում, իսկ նախորդ սենյակը գտնվում էր ռեժիմային գոտուց դուրս:


Կից ներկայացնում ենք լուսանկարներ, որոնք ներկայացված են ըստ ժամանակների:

1. Նախորդ բուժսենյակը՝ համատեղված հերթապահ ոստիկանի սենյակի հետ:
2. Վերանորոգված և փոփոխված բուժսենյակը:
3. Ներկա պահին գործող բուժսենյակը՝ համատեղված հերթապահ ոստիկանի հանգստի սենյակի հետ:
4. Ներկայիս տեսակցության սենյակը:

Այսպիսով՝ խնդրում ենք մեկնաբանել, թե ինչու և ինչ հիմնավորմամբ է նման հրահանգավորում տրվել Դիլիջանի բաժնին:

Հարգանքներով՝

ՀՀ ոստիկանության համակարգի ձեռքարկված անձանց պահելու վայրերում վերահսկողությունն իրականացնող հասարակական Դիտորդական խմբի նախագահ՝



Հ. Սահակյան



## ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ ՇՏԱԲ

375025, ք. Երեւան, Նալբանդյան 130 հեռ. 59-65-94

N 2/2-1-1836

<<30>> 07 2014թ.

Ձեր 10.07.2014թ. թիվ 2621/1429 գր.

### **«Ոստիկանության համակարգի ձերբակալվածներին պահելու վայրերում հասարակական դիտորդների խմբի նախագահ Հասմիկ Սահակյանին**

#### **Հարգելի տիկին Սահակյան**

Հայտնվում է, որ դիտորդների խմբի կողմից ս/թ հուլիս ամսին «Ոստիկանության Տավուշի մարզային վարչության Դիլիջանի բաժնի ձերբակալվածներին պահելու վայր կատարած այցելության ընթացքում արձանագրված հանգամանքը ուսումնասիրվել է «Ոստիկանության շտաբում և Տավուշի մարզային վարչությունում, որի կապակցությամբ տրվում է հետևյալ մեկնաբանությունը:

Հարկ է նշել, որ ՁՊՎ-ի բուժսենյակը ոստիկանի հանգստի կամ տեսակցության սենյակի հետ համատեղված լինելու հանգամանքը ոչ մի կերպ չի խոչընդոտում բուժզննության և բուժօգնության գործընթացը պատշաճ իրականացնելուն: Անկախ այն հանգամանքից թե, որ սենյակի հետ է համատեղվում բուժսենյակը, այն կահավորվում է անհրաժեշտ գույքով, ապահովվում է բժշկական պարագաներով և դեղորայքով, ինչպես նաև մշտապես պահպանվում է բավարար սանիտարահիգիենիկ վիճակը: Սակայն հաշվի առնելով ՁՊՎ-ի շենքային պայմանները բուժսենյակը համատեղվել է տեսակցության սենյակի հետ և գտնվում է ռեժիմային գոտուց դուրս:

**«Ոստիկանության շտաբ**